



Una tuniqhaininnga uqautauvaktut qaffinik GN-kut ihumaaluutigiyainik takuyumayullu ihuaqhainiq kingulliqaami iniqhimaittuq Ihumaliurut, unalu pitquyauhimayuniklu. Uqautautikhanut ilauyut uvani tuniyauhimayumi hammauyut:

1. **Tuktut Nayugainik:** GN-kut-nauyaiyattiaqtat humilluaq nurriviit imaalu piyaarnirit: Kigliqaqtumik Aturianganik, nurriviit, aulaviit pihugviit, nulliarviit, imaalu tariiumi hikukkut ikaarviit: Aturniaqtut ukiup ilangani pittailidjutit; ukiumut ungahiktilanginik: Aallatqiit Aturningit haffuma Ihuarningit Nunamik Ilaqaqtunik.
2. **Nunallaani Niuqqaqtakhanik Imiqtarviit:** Pihimalugit tikkuqaqtauhimayut nutaami iniqhimaittuq ilanginun ilaliutihimayut ikayuutikhait nunallaani angiklivalianikkut imaalu ihuaqhainikkut.
3. **Atuqtauyut Pilaarutit imaalu Puyumayauyutlu:** Atuqtauyut pilaarutit imaalu piumayait piyaqtut aulalutik aallatqiinut qanuriniitigut pivallianikkut malikhugit *NuPPAA* imaalu *Nunavut Angirutaa*.
4. **Aerodromes:** Ihuaqharlugu Nunauyaq B2.10 Aerodromes ilaqariangani Ausuittumi aerodrome.
5. **Aquinikkut:** Ilauyut ihumagiyauyukhat pulaaraqtut hulilukaarutit uvani Naunaitkutaani 5 uumani Upalungaiyautikhami.
6. **Ilitquhit Piqaqnit:** Ilauyut ihumagiyauyut pitquhikkut ikayuutit uvani Naunaitkutaani 5 haffumani Upalungaiyautit imaalu tikkuqaqhilitik naunaiqtamingnik utkuhikhaqtarvikhanik uyaqqanik hanaugakhanik nayugainik ihumagiyauyut Ihuarnikhauyut-Piyangaiyautikkut Ilaqaqtunik.
7. **Tariukkut Agyautingit Aulapkaidjutikhaniklu:** Atuliqtitlugit pittailidjutit agyautingit tapkua hulaqutiqangit maniliurnikkut pivalliadjutit.
8. **Avikturhimayut Pulaarviit:** Aturlugit tikkuqaqtauhimayut naunaiyariiqhimayut uvani uqautini. Ilakhangitlu aallat naunaiyautit qakugu tuniyauniaqtun.
9. **Naunaittut Tingmiat Nayugait:** Pittailinahuaqtailugit ihuidjutauyut paqitauhimaittunik uyaraktarvikhat. Ilakhangitlu aallat naunaiyautit qakugu tuniyauniaqtun.

Uvani Tattiarnaqtuq 2021 Titiraqhimayut Tuyuqtauyut, GN-kut tunihiyut pitquidjutinik tapkua ihuaqhiyuumirutiniaqtut inungnun tuhaqtitinikkut havauhianun. GN-kut tuhaqtut nunallaanin Nunavunmiuninlu tamaini katimapkaigamiki havauhiit anginiqaqtunik huradajat nayugainik munaqhiyukhat imaalu ihariahungniq maniliurutikhanik pivalliadjutikhanik.

Ilaliutihimayut haffumunga tunihidjunmun, GN-kut tunihiyut havaqatigiikhutik tunihiyut tapkua upalungaiyaqtauyut havaqatigiblugit Kanataup Kavamatuqangit ukualu Nunavut Tunngavik Incorporated, atiliuqtilugit Upalungaiyautikhamik. Atautikkut tuyungnikkut pitquidjutit ihuaqhaidjutikhat haffumunga DNLUP pihimayut Tikkuqaqtauhimayut Inuit Katimajit Tikhinahuagutait, Inuit Nanminiit Nunat, Atuqtauyut Inuit Hulaqutit imaalu Ikayuutikkut Angirutit (IIBAs), Qiniqhianikkut Uqautigiyauyut hapkununga Ihuaqhainikkut ilauyut tukhiutinun Kikliqaqtunun Aturnikkut Nunat, Atuqtauyut Pilaarutit imaalu Piumayait, imaalu Tariukkut Agyautingit.

GN-kut niriutut NPC-kut ihumaginiaqtait hapkuat uqautit pitquidjutikhallu iniqtirumik Upalungaiyautikhat. Hapiruirutit uqaqatigidjavan Daniel Haney, Atan'nguyaq, Nunanik Aturninik ukunani Avatikkut Qaujiharutini uvani (867) 975-7720 uvaniluunniit ghaney@gov.nu.ca quyaginnaq apiqhuutiqaruvit ihumaaluutiqaruvilluunniit mikhaagun uumani tuniutimi.

Qujannamiik,

Henry Coman
Ikayuqtia Tugligiyata Minisitap
Havagviat Avatiliqijitkut
Nunavut Kavamanga
HComanENV@gov.nu.ca

tujuqtauhimajullu:

Hannah Uniuqsaraq, Nunavut Tunngavik Incorporated

Spencer Dewar, Kavamatuqait-Nunaqaqqaaqhimaliqidjutinut Ukiuqtaqtumi Kavamaliqiiyit Kanata

Naunaipkainiq

Nunavut Kavamanga (GN) tuniyumayut kingulliqaanik pitquidjutinik ukununga Nunavunmi Hivunikhaliurnikkut Katimayuarutait (NPC) uvani 2021 Iniqhimaittuq Nunavut Nunanik Aturianganik Upalungairutikharnik (DNLUP). GN-kut Nunanik Aturnigagut Upalugaiyaijit Ihuaqhajit ihuaqhaqhimayut ihivriuriagani uqauhiriyaaganilu nunanik aturnigagut upalugaiyautinik akturniginik Nunavumi pipkaivlutiklu uqauhiyuyunik ihuaqtunik upalugaiyarnirmik kamisinamut, uvani 2021 DNLUP unalu NPC. Tamna Havaktut Katimajiit piqaqtuq tikkuaqtauhimayut GN-kunnit Havagvinganit Avatiliqijikkut (ENV), Atan'nguyalluat Kavamaliqijitkunnit (EIA), Pivalliyulijikkut Ingilrayulijit (EDT), Aaniaqtailinirmut, Nunallaani pinahuarutimut (CGS), Pitquhilirinirmut (CH), Maligaliqijikkut, Kiinauyalirijitkunnnullu (FIN). Uqautigiyait imaalu kangiqhidjutit uqautauyut uvani Havaqatigiit katimadjutaini pidjutaayut kinguliit pitquyaayut tuniayuyut uvani titiraqhimayunik tuyuqtauhimayut.

Uvani Ukiakhami 2022, GN-kut ilauvaktun tallimanik NPC aviktuqhimanirni inungnun naalagvikhanik Iqaluktuuttiarmi (Cambridge Bay), Kangiqliniq (Rankin Inlet), Thompson (Manitoba), Mittimatalik ((Pond Inlet), Iqalungnilu. GN-kut naalaktut amihunik aalatqiinik ihumagiyayuyunik Uvani 2021 DNLUP nunagiyayuyumit kivgaqtuqtinit, Agunahuaqtit Katimajiilu, Nunavut Tungavik Timiuyuq, Nunami Inuit Katimajiinit (RIAs), Kavamatuqangit Kanatami, havagviuyut, malruuklu aalat ilaayut. Talvunalu pidjutitkakhimayunik ukkautigiyauvaktunik tuhaayauvaktunik ihumalutigiyauvaktunik huranik nikiikhanik munariyaayukhanik, halumaitunik nayugainik, nakungikgativaktunik kinikhianikmun ihiviukhinikmun naunaiyainikmun naunaitkutakhanik uvunalu aullaktikgutikhanik, uvunalu nakungikgativaktunik hilaup aallanguqtirninga. GN-kut takuupkaiyut inuit naalaktit pivlutiklu hivunihiyutinik ihuaqtunik havagviuyunut ihumaliuqtiniklu.

GN-kut ilitaqhiyut ayurnarninganik Nunavut Nunanik Aturianganik Upalungairutikharnik aturniganiklu pipkaiyaagani maliruanik naunaitunik ajikiiniklu ikayuriagani ihuaqhiyaagani amiakunik akturninginik havaakhat Nunavumi Nunataariyaayumi (NSA). Pitquyaayut ihuaqhaidjutit haffumunga DNLUP uqaqhimayut uvani tuyuutini tugaaqhimayut ihuaqhiyuumirlugit aadjikiigutait qitqani tamaqtailiniq imaalu munagidjutikkut maniliurnikkut pivallianiq, kitut atuqtauayut tikhahuaqutait Upalungaiyautini imaalu GN-kut.

Atiliurlutik Upalungaiyautinun, GN-kut niriuktut ihivriurlugit kinguliit Nunavut Nunanik Aturianganik Upalungairutikharnik tapkua aadjikiigutait maliruagahatigut tikhahuarutit imaalu ihuaqtumik havaktauhimayut, malikhugit GN-kut pinahuaqutait.

Nainaaqhimajut & Tukiliurutait

DNLUP; 'Upalungaiyaut' – Iniqtiqhimaituq Nunavut Nunanik Aturianganik Upalungairutikharnik

ENV – Avatiliqiyikkut

EDT – Pivalliyuliyikkut Ingilrayuliyitkullu

Munarhiliryiitkut – Munarhiliqiyitkut

CGS – Havagviat Nunalingni Kavamatkunillu Pivikhaqautitku

Maligaliqijikkut – Havagviat Maligaliqijikkut

GN – Nunavut Kavamanga

NA – *Nunavunmi Angirutaa*

NuPPAA – *Nunavumi Upalugaiyaqniqmik Havaaniklu Ilituqtaut Maligaqyuaq*

NSA – Nunavut Nunagiyangani

O&R – Piyakhat imaalu Pitquyauyut

GoC – Kavamanga Kanatap

NTI – Nunavut Tunngavik Incorporated

| GN-2023-01: Tuktut Najugainik | |
|---|--|
| Havagviat | ENV |
| Uqautigiyauyuq/ Uqautauyukhap | Tuktut Najugainik Munagiyauyukhanik talvani NLUP |
| Ikayuutigiyauyut | <ul style="list-style-type: none"> 2021 DNLUP, Ilanga 2.2 |
| NAITTUT INIQTIRUTAIT | |
| <p>Tuktunik nirginiaghait hanaqidjutikharnik talvuuna akhurnaqtunik Inuit, Nunavunmiunun, Nunavut Kavamangitlu. Tamna NLUP unihimaarniaqtun anginiqaqtunik munaqhidjutikharnik atuqtakharniklu pivalliaadjutikharnik hanigainun taima ayungnautiqaqqtunik ikikliyumirutikharnik.</p> | |
| IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ | |
| <p>GN-kut piqaqtut amigaitunik pitquidjutinik imaalu tuyuqtaublutik ikitunik uqagahanik kinguani ihumaaluutikkut tikuaqtauhimayut aallatqiit tuktut nayugait. Atuliquyauyut aaliuyuni kinguliuyut atuliquyauyut piyaulutiklu GN-kut inikhaa ihuaqhaqtau kpata.</p> | |
| PITQUYAUYUT IHUAQHAQTAUHIMAYUT | |
| <p>GN-kut ikayuqpaktait hapumminikkut tuktuut nunagiyaainnik munarinikkullu nunamin piqutunik pivallialiurninik. Aadjikkiigiangani hapkua malruk tikinahuarutik, GN-kut pitquiyut hapkua pittailidjutit iliyaulutik ataani titiraqhimayut anginiqaqtut tuktut nayugait. <u>Naunaqtauyukhaq tamna pitquyauyut nurrivingit tunngavingit unalu akhuurutauyut piinariaqininnaga ataani kikliqaqtuq GN-kut nutqaqtitauniq.</u> GN-kut piqaqtuq naamayunik naunaipkutinik ikayuriagani ukua ihumagiyauniginik qaujimavlutiklu kikligiyamikni, kihiani ilitaqhiyurlu qaujimayainik ahiinik ilaayunit. Uqaqtauhimayut hivuagut tuyuutauihimayuni, GN-kut tuniqhimayut munarihimmaarlugit imaalu nutannguqtirlugit hapkuat ihuaqhautikhat aallanik naunaitkutikhanik hailikpata imaalu tuhaqtitauniaqtut nutaanik tuhaqtitauyukhanik Katimajiinut. GN-kut havaqatigihimmaarniaqtait munaqhiqatigiiktut imaalu upalungaiyautikhaliuqtut havaqatigiiktut naunaqhilutik tuktut nayugait imaalu aallat nayugait aannialiqtailitikhat aallanik naunaitkutikhanik katitiqtau kpata.</p> <p>GN-kut tunittaaqtait Katimajingit quyaginnanik ilitturipkaidjutinik pitquyauhimayunik havagutgilugit hapkuat pitquidjutin. Kihimi, kangiqhimayauyuq tapkua amigaitut nurriviit nayugait imaalu piyaqtut pihugviit tikuaqtauhimayut uvani Upalungaiyautini pihimayut hapkunanga GN-kut naunaiyautait Katimajiinun, qanganuaq ilaliutihimayut kinguliit katimadjutinin aalanun upalungaiyainikkut havaqatigiit.</p> | |

Nunami Ingilrayut Amihuaryuit Nugarviingit Nurriiviingitlu:

Pittailiniq pivallianirmik nurriiinni imaalu pivikhanik pihugviit, ukiup ilangani pittailiyayut hulipkaidjutikhanik nurrilirangata.

- Ukiup ilainnani kikliqarutit aturutiqarniaqtun qiniqhianikkut piliurnikkullu havaktauyukhanik havaakhanik, qaujiharnirnik, pulaaraqut pidjutiqaqhuni tuktunun tammaqtailinikkut, quyaginnanilu hulidjutinik amigaitqiyayunik hulaqutinik tuktunun humilu tadjä.

Nunami Aulayunik Amihuaryuit Nuliarviit Nayugaingit

Ukiup ilangani pittailininngit pitillugu (~Tattiarnaqtuq 10 uumunnga Hikutirvia 10)

- Ilauyut malguknik piyakhat humi kivgaqtuqtut tautuktitiyukhat inmi havaakhatigut tukhiutinik tapkua ihumagiyaayut nayugahainun tikuaqtauhimayut auladjutikkut nayugaini;
- Ilauyut maligahat kivgaqtuqtunun naunaiyaqhimayut tapkua ukiutigut pittailidjutit pivallianirmun hulidjutinun atuqtauyut humi tuktut tahamaniitut (naamavyaktuq Tattiarnaqtuq 10 – Hikutirvia 10), imaalu naunaiyaqhimayut tapkua maligaqaqtut hulidjutit ilauyut kihimi kikliqangitut hapkununga: tingmitinun imaalu akhaluutinun auladjutit, nipiquqtuyumik imaaluuniin nipiquqtunikkut, imaalu/imaaluuniin nipiquqtunikkut ayuqhautit.

Nunaani Aulayunik Ammihuaryuit Nutkautiqihimaitumiklu Nunauyaliukhimayunik

Ukiup ilaani atuqquyaungittut pivalliadjutikhanut hulipkaidjutikhat humillu tuktut tadjä imaalu pittailiyayut alryanut auladjutikhanik (i.e., tukhuat, taimaalu) nuutirniaqtait nuutirniit imaaluuniit tuktut ikaqtaililugit.

- Ilauyut qanuriliurutikhat kivattumun naunaiyaqpiarlugin ukiup iluani kikliqarutit pivallialiurnikkut hulidjutini atuqtauyun humilu tuktut tahamaniitpata (naamavyaktuq Tattiarnaqtuq 10 – Hikutirvia 10 [Ukiakhani Aulaniq], uvanilu Qittiqqautijug 15 – Imaruqtirvia 1 [Upin'ngaarmi nuutirutaani]);
- Ilauyut nalaumayumik piyakhat humi kivgaqtuqtut tautuktitiyukhat inmi havaakhatigut tukhiutit tapkua ihumagiyaayut nayugaini tikuaqtauhimayut nuutingnikkut pihugviani, imaalu quyaginaq kikliqaqtut tukhiqtauyut tikuaqtauhimayut nuutirnikkut pihugviit pidjutiqalimaitut ingutaagutaanun tuktut;
- Naunaiyattiaqhimayut hapkuat maligiaqaqtunik hulipkaidjutikhat qakugu imaalu tuktut talvaniitlutik (titiraqhimayut unagunaqpiaktumik): ikiarmut akhaluutinullu aullavikhainut, nipquqtuhilutik nipquqtulutikluuniit, imaalu/imaaluuniit nipquqtunirmik.

Nunami Auladjutikharnik Amihuaryuit Tariumi Hikumi Avatingnun

Ukiup ilaani kikliqarutit hikukuulakkut ikaaqtillugit kikliqarniillu pivallianirmun hulidjutit humi tuktut kukikpalaqtut (upalungaiyaqtut ikaariangini). Maligaqaqtut hulidjutit ilauyut, kihimi kikliqangitut, tingmitikkut imaalu akhaluutinun, nipiquqtuyumik imaaluuniin nipiquqtublutik imaaluuniin nipiquqtublutik.

Nunaani Aulayunik Amihuaryuit Ukiungani Avikhimayunik

Pittailidjutiqangitut pivallianirmun, kihimi tukhiqtauyut havaakhat ihumagiyaqhait hulaqutit tuktunun imaalu mikhiyuumirlugit hulaqutit.

- Ilauyut nallautirutikharnik atuqtakharnik taima katimajiit tukhiqhimayut auladjutikharnik talvani nunami tuktut ukiungani nayugaani tautuktitiyukhat ihumagiyaayukhat ukuninga hanigaingit ilitagiyaangat ayungnautigivakhimayainik tukhiqtauhimayut hulilukaarutikhangit ilitagiyaangatlu ihuaqhaidjutikharnik.

GN-2023-02: NIUQQAGAKHANIK IMIQTARVIIT

| | |
|--|--|
| Havagviat | Munarhiliriyiitkut |
| Uqautigiyauyuq/ Uqautauyukhap | Nunallaani Niuqqagakhanik Imiqtarviit Hilataanit Hamlatkut Kikligiyainnit |
| Ikayuutigiyauyut | <ul style="list-style-type: none"> • 2021 DNLUP, Ilanga 4.5.2 • Ubluqtuhivia 27, 2023, Titiqqidjutaa Atanilluaq Nunalaani Aanniaqtailinikkut Havaktimit imaaffaarutikhaa: Ihumagiyauyuq tukhiqtauhimayut NLUP tikuaqtauhimayut nunalaani niuqqagakhanik imiqtarviit, Ilaliutihimayut 1 |

NAITTUT INIQTIRUTAIT

Havagviat Aanniaqtailinikkut ukpiruhuktut nunamingni niuqqagakhanik imiqtarviit munariyaayukhat ataani Nunavut Nunanik Aturianganik Upalungairutikharnik imaalu imaa, ikayuqhugit Kikliqaqtut Aturnikkut tikuaqtauhimayut nunallaani niuqqagakhanik imiqtarviit hilataani haamlat kikliini.

IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ

Havagviat Aanniaqtailinikkut unalu Atanilluaq Nunalaani Aanniaqtailinikkut Havakti ihivriuqhiyut Upalungaiyautikhat tikkuqtauhimayut nunamingni niuqqagakhanik imiqtarviit hilataani hamlatkut kiglikhangit imaalu ikayuutikhainnik pittailiyaunirmik pivalliaadjutikhanik aktuutauniarmata ihuaqtumik ikigliyuummilimaittut hhamna nunanginni. Imaq ikayuutikhaq munagidjutiqaqtukhaq ihuangitumik hulaqutinik imaalu attauhiq tapkua GN-kut imaalu nunallaat ilitagilugit ihariagiyauyut inuuhiqattiarnirmun.

Qaffit nunallaat naunaiyaiyut ihumaaluutitik inmi imangmingnun imaaluuniin imangmik atuqtilugu qanganuaq Inungnun Tuhaqtidjutit uvani 2021 iniqhimaituq Upalungaiyautit imaalu GN-kut piumayut nunallaat tapkua pidjutiqaqtut hapkuninga ihumaaluutitik akhut. Ilaliutihimayut pitquidjutikhat munaridjutikhat iliyaulutik hapkunani Upalungaiyautini, Nunalingni Kavamatkunnilu Pivikhaqautikkut (ikayuutiqaqhutik hapkunanga Aaniaqtailinikkut imaalu Avatiliqijit) havaktut akhut qayangnaitumik imaalu halumayumik imigahanik tuniyauyut Nunavunmi nunallaanun.

PITQUYAUYUT IHUAQHAQTAUHIMAYUT

GN-kut ihuariyaat taya Upalugaiyaut tikuaqtuiyut nunagiyauyumi niuqqagakkanik imiqtarviit hilataani hamliuyuni kikligiyaini (ilaa, S. 4.5.2 imaalu Upalungaiyautikkut Piyakhat 4.5.2-1) imaalu pitquiyut ilaliutihimayut hapkua titiraqhimayut uvani **bold**.

4.5.2-1:

Nunallaani niuqqaqtakhat imiqtarviit hilataani haamlatkut kiklingit takunnaqtut Nunauyami A, kihimi tahapkuat Qamanittuami Kugluktumilu, Kikliqaqtut Aturninnga nunat talvani hapkuat ihuangittumik aturninnga pittailiyauyut:

- (a) uqhuryuanik kasiliiniklu qiniqhiayut imaalu havaktauyut;
- (b) uyarakhiuqtit hanahimaningilu;
- (c) uyaraktarviit, **kihiani ukua atulaaqtut ilangani 4.5.2-2**;
- (d) Imarnik-alruyaqtuutikhat pauwaliurutikhat imaalu ilauyut auladjutikhanik; unalu
- (e) alruyanut auladjutikhanik, **kihimi piyaaqtut ataani 4.5.2-2**.

GN-kut pitquiyut ilaliutihimayut hapkua Upalungaiyautit Piyakhat ikayuutikhat nunallaanun angiklivaliatilugit tunihitilugit anginiqaqtunik munaridjutikhanik nunallaani niuqqagakkanik imiqtarviinik.

4.5.2-2:

Hapkua atuqtauyut piyaaqtut nunallaani niuqqagakkanik imiqtarviit hilataani haamlat kikliini tautunnaqtut Nunauyami A, kihimi tapkua Qamanittuami Kugluktumilu:

- (a) **ihariagiyauyut uyaraqtarviuyut aulapkaidjutikhanullu ikayuutikhainnik nunamingni angiklivallidjutikhainnik imaalu munaridjutikhanik;**
- (b) **piyakhat alruyanut auladjutikhanik ikayuutikhat piyaangnirmun imaalu iluaniitut imangmik nunallaamun.**

GN-kut angirniaqtaait aallanik uqauhirmik qulaanit tuniyauhimayut ilaupkaqtaulimaittut uyarakhiurviit imaalu alruyanut auladjutikhanik ikayuutikhainnik nunamingni angiklivallidjutikhainnik munaqhidjutikhainniklu imaalu imirnirmik imarmik.

GN-2023-03: ATUQTAUYUT PILAARUTIT & PIYUMAYAT

| | |
|----------------------------------|--|
| Havagviat | EDT unalu ENV |
| Uqautigiyauyuq/ Uqautauyukhap | Mamihaidjutikhat Aulahimayunik Pilaarutit Piumayaillu uvani NLUP |
| Ikayuutigiyauyut | <ul style="list-style-type: none"> • 2021 DNLUP, Ilanga 6.1.8 • 2021 O&R, Ilanga 6.2.8 |

NAITTUT INIQTIRUTAIT

Uvani 2021 DNLUP nalaumangittut tamaat NuPPAA nutaaguqtiqtauyariaqaqtutlu naunaitiariagani tamaita tadja ihumaqhuutait atulaaqtut aulaqtiariagani aalatqiinit qanuriniganit pivallianingani.

IHVRIUQHIYUT UQAQTAIT IKAYUUTIKHALLU IHUMAGIYAUYUKHAQ

Una 2021 DNLUP ilaliutigiyaa pilaarutait atuqtauyut uyagakhiuqtut auladjutait havaakhamun imaaluuniin hulidjutit havaktauhimayut uvani Ilaliutihimayug A. DNLUP-kut maliktakhangit hapummiutigiami ittut Uyarauyani tunngavingit aadjikutariyakhaa uumunnga NA unalu NuPPAA.

Ilaliutihimayuuq A kikliqaqtuuq anginingani, ilangit havaakhat naunaiqtauhimayut ataani NuPPAA ikittut Aturningit kihimi ilaungittut uvani Ilaliutihimayuuq A. Ilaliutihimayuuq A ilaliutihimangittut tapkua tadjja pilaarutit talvaniingittut Kikliqaqtuni Aturniinik nunat. NPC-kut naunaiqhiyut ilanginik ihuaqhautinik hanayauyariaqaqtut hamani.

Laliutihimayug A naunairutait pilaarutilgit tigumidjutiqaqtut hulilukaarutingillu imaaluuniit havaakhat ittut Nunavunmi talvani NPC piliuqtait titiraqhimayut, piyurlu qanurittaakhaanik malingitkumikku maliganganik. Ihuaqtumik pidjutiqangitug aulanianun havaakhamik piyayukhaq ihuaqtumik pivallianingmun imaaluuniin nunamik atungnianun imaaluuniin tikuaqtaunikkut aalanguqtirniit tapkua atuqtauyaaqtut.

GN-kut ihumaluutiqagtut iluingaumayumik titiraqhimayunik tamainik atuqtauyunik havaakhangit ayungnautiqagtunik. Piqariangani titiraqhimayunik tamainik havaakhanik huldjutiniklu Kikliqaqtunik Aturniginik nunani aulaniginik ihumalungnarninganik havaakhat titiraqhimayunik tuniyaungitpata aalanguqataqtutluniit nunanik tikuaqtauninginik atuqtauninginik. Aadjikutamik, titiraqhimayut tamaita ittut pilaarutingit (unalu tahapkuat Qanurittaakhaanik unalu Aadlatqiinguyut Aturninnga tikkuqaqtuaniq) hivituniaqtuq, nalunaqtuq ayurnarniaqturlu pihimagiami. Tamna titiqiqidjutiliqidjutait titiraqhimayunik talvuuna NPCnik ayungnarniaqtuq munagidjutikharnik talvuuna aalanguqtiquhimayunik naunaiyagiikhimayunik taima kingunaqtitiniagtunlu auladjutikharnikluuniit.

Ihuarningga atayuuq havauhikharluuniit piyuq piinariaaqigiami havauhikhaq/hulidjut pittaarninngalu ihuaqtumik piliuriami havaakhamik. Havaakhat piriniga akturniarmat akituniganik ilaanaani ayuginiganiklu ihuaqtumik pivalianigani, piyutaulaaqtuq nalunairniganik. Uyarakhiuqtut qiniqhiayut pidjutaulaaqtuq nalunagininganik ihariagiyauninganik manikhaakhamik.

Atuqtauyut pilaarutit imaalu piumayait maligatigut piyauhimayut aulagutilutik aallatqiitigut qanuginiitigut pivallianikkut, imaa *NuPPAA* imaalu pidjutiqaqtut maligatigut havauhiit imaalu kinguani kikliit imaalu qanuginiit angiyumik ihuaqhaqtauhimayut haffumunga atuqtauyunun pilaarutinun tukhiqtauyut.

Taimaali, pidjutigilugit ihagiahungniq tapkua pilaarutit ihuaqtumik pivallianingmun kitut ilauyut piyaarnikkut pilaarutinun, GN-kut pitquiyut tapkua nunat atuqtut ilauyut atuqtauyunun pilaarutit pitaagtut humi pittailiyauyut, ilauyut atuqtauyut imaalu piyaarnikkut apqutit qulaanun apqutip tapkua pilaarutit.

PITQUYAUYUT IHUAQHAQTAUHIMAYUT

Atuqtauyut pilaarutit piyauyukhat aulalirlutik aallatqiitigut atugahat pivallianikkut, malikhugit maligat. Una 2021 DNLUP ihuaqhaqtauyukhat maliklugit ukua NuPPAA naunaiyarlugillu tapkua tamaita atuqtauyut pilaarutit pittiaqtauniaqtut. Naunaiyattiaqhimayut pitquyauhimayut naunaiqtauhimayut ataani.

1. Ihuaqharlugu pigiarut titirariagani taya ihumaqhuutit Upalugaiyaunmi (Ilaliutihimayut A) imaa:
 - a. tamaita atuqtauyut pilaarutit munariyauyut (unainaungitug 52 titiraqhimayut uvani 2021 DNLUP), imaalu
 - b. hivunirmi allanguqtiqhimayut nunami atuqtaunginaqtun havakhimayut (talvuuna Upalungairutikharnik nuutaanguqtiqhimayunik) nayugakhaqaqtun aulahimayunik pidjutikharnik (ilauyutlu tapkuninga nayugaqaqtunik talvani hanigaingituni naunaiyagiikhimayunik Kiklivikhaqaqtunik Atuqtakharnik)
2. Ilalugu pitquhiq havauhiq Upalugaiyaunmi pipkaiyutinin taya ihumaqhuutit qanurininig (ilaugitut atugitaagani Ukua Kikliqaqtumik Aturnigagut tikuaqtaunigani). Una uuktuutikhaq hanaqidjutikhaq ilauqaqtukhaq:
 - a. ihivriurniga aturiaqaqtug titirarmi naunaipkutainik (piyunaunitinik, laisiuyut, taimaitut tuniyauhimayut NTI-kunit GoC-kunitluniit hivuani Upalugaiyariagani agiqtautinani nutaaguqtiriaqtinaguluniit) NPC-kunit
3. Pipkarlugit nuna aturniit atuqtauyut pilaarutit ihumagiyaunitik angigutinin, qanuginiitigut, qakugulu:
 - a. ahianit titiraqhimayut piliuqhimayut pilaarutit
 - b. pivikhanik apqutimik
 - c. Pittailiiaugumik nunamik aturniitigut tikuaqtauhimayut.
4. Ilalugu maliguagahatigut havauhiit nungunianun ihuaqtug qanurinia atuqtauyunun pilaarutinun (ilauyariaqangitut pittailidjutinun Kikliqaqtunun Atungnikkut tikuaqtauhimayut) atuqtauyut pilaarutit nungukpata, imaaluuniin ilauyut nunat atuqtauyut taimaaqaangitut.

GN-2023-04: AERODROMES

| | |
|--|--|
| Havagviat | EDT |
| Uqautigiyauyuq/ Uqautauyukhap | Taannaiyaqtuqtut Ingilradjutikhat llanggit – Aerodromes |
| Ikayuutigiyauyut | <ul style="list-style-type: none"> 2021 DNLUP, llanga 4.8 |
| NAITTUT INIQTIRUTAIT | |

Aerodrome talvani Ausuitturmi tailiyaungittuq Nunauyaq B2.10 upalungaiyautip.

IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ

DNLUP, Ilanga 4.8, uqaqhimayuq taimaa

"Tamarmik Nunavunmi nunallaat ihariagiyut tingmitikkut umiakkullu tamainnut ingilradjutikhanginnik ihariagiyamingnik. Aerodromes aturiaqaqtut nunagiyauyuni, piqaqturlu kanatami maliruagakhanik atuqtakhaliuqhimayut munariyaagani nuna aturninginik hapkunani nunainni."

Taimaalu, Nunauyaq B2.10 Aerodromes, naunaiqhiyut aerodromes humiliqaak Nunavumi imaalu naunaiqtauhimayunik imaatut Ihumagiyauyunik Ihuarnikhauyut-Piyangaiyautikkut Ilaqaqtunik (VSEC). GN-kut naunaiqhiyut Ausuittuq takuukhaungittuq uvani titiraqhimayuni ilaliutiyakhauyurlu.

PITQUYAUYUT IHUAQHAQTAUHIMAYUT

GN-kut pitquiyut tapkuat tingmitit talvani Ausuittumi (YGZ) ilauyukhaq talvani Nunauyaq B2.10 naunaiqtauhimayuq puplaktuqtunik imaalu tikkuqaqtuluni VSEC.

GN-2023-05: AQUINIKKUT

Havagviat

EDT

**Uqautigiyauyuq/
Uqautauyukhap**

Pulaaraqtut Ihumagiyauyut Upalungaiyautini

Ikayuutigiyauyut

- 2021 DNLUP, Naktaani 5
- Nunallaani tikkuqaqhiyut qunngiaqtipkaiyun, Mittimatalingmi Naalagvikhat, Tattiarnaqtuq 24-27, 2022
- Nunavunmi Pulaaraqtut Maligaq
- Nunavunmi Tariumi Pulaaraqtut Pitquyauyut

NAITTUT INIQTIRUTAIT

Ihumagiyauyut Pulaaraqtut ilaungitun talvanga Nakataq 5 uvani 2021 DNLUP.

IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ

Tuhaayugut uvani 2022 Tuhaanikkut, uvaniluaq Mittimatalikmi (Mittimatalik), ihumaalutiqaqtut mikhaagun umiaryuakkut umiat mikiyullu qainnat.

Aquiyunut Umiaryuakkut hulidjutit piyariaqaqtut maliqatilugit ihuaqtut nunamik atungnikkut upalungaiyautit imaalu quyaginaq nutaat aulapkaiyut imaaluuniin hivituyut aalanguqtirutit atuqtauyunun apqutinun piyariaqaqtut ihivriutaulutik hapkunanga Nunavunmi Avatilirinirmut Katimajiit. Ihumagingittait hamna uvani 2021 DNLUP.

Nalunanngittuq qanuq NPC ihumaliurniaqtuq malikhugit ilagiyauyut umiaryuakkut hulidjuhiit taimaalu pittailiyaulaqtut, qanurinningit uuminngaluuniit Upalungaiyautit Kiuvikhangit ilagiyauyut uvunga huliyaakhangit.

PITQUYANGIT

GN-kut pitqujiyut ihuaqtunik tuhaqtitalutik ihumaaluutinun uqautaulutik Pulaaraqtut hulidjutinun hulaqutihimaitumik Nunavunmi Pulaaraqtut maniliurutinun imaalu ikayuutauniaqtut aquiyunun.

GN-kut pitqujiyut ilauyut Pulaaraqtut uvani Naunaitkutaani 5: Akhuuqharlugit Aturaaqtanginaqtumik Maniliurahuarnikkut Pivalliyulijikkut. Tamna Upalungairutikhaq aulahimayukhaq talvani Nunavunmi Pulaaraqtut Maligaq unalu Nunavunmi Tariukkut Pulaaraqtut Malikhautikhangit.

GN-2023-06: ILITQUHIT PIQAQNIT

Havagviat

EDT

**Uqautigiyauyuq/
Uqautauyukhap**

Pitquhiliqinikkut Hanaqidjutikhangit - Hanaukakharnik uyaqat iliugaqtauvikhangit nayugaingit

Ikayuutigiyauyut

- 2021 DNLUP, Naktaani 5
- Havagviat EDT, Nunavut Kavamanga, Hanauyarnikkut imaalu Pitquhikkut havagviia:
<https://gov.nu.ca/edt/informatio\\}\\5\\n/overviewcontact-information-arts-culture>
- *Nunavunmi Nunataarutaanut Angirutaa*, Nakataq 19

NAITTUT INIQTIRUTAIT

Pitquhikkut ikayuutit talvaningittut uvani Naunaitkutaani 5 haffumani 2021 DNLUP.

| IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ | |
|---|--|
| <p>Pitquhikkut ikayuutit, imaatun hanauyarnikkut utkuuhikhat uyaqqat, anginiqaqtut ilauyut pitquhikkut imaalu maniliurnikkut Inuit imaalu Nunavunmiun. Tautungnaqtut hanauyaqtut avalitumik tunihiyut \$33 miliataalamik ukiuq tamaat aviktuqhimayumi maniliugutait imaalu itqungniaqtauyuuq tapkua 3 000 Nunavunmiut maniliuqtut ilanginik maniliurutinik niuvaanirmun hanauyarnikkut.</p> <p>Nakataani 19, ilanga 9 tapkunani <i>Nunavunmi Nunataarutaanut Angirutaa</i> munarivaktait Inuit pilaarutait hanauyarnirmik uyaqqanik, tamangnik angitqiyat uyaraktarvit mikiyunik ahivarni tapkunanga atauhirmik inungmik Inuk. NLUP aadjikkigiaqaqtut uvani NA pilaaria ganilu hanayakhanik uyaraktarvikhanik.</p> <p>GN-kut atuliqtitiyut Nunavunmi Hanaugakhanik Uyaraqtarvikhat Naunaiyarnikkut Pinahuarutit akkungangni 2010 unalu 2014, titiraqhugit naunaitkutikhat talvuuna ilihimayaayunik uyaraktarvikhanik imaalu katitirlugit nayugait, imaalu naunaiyaiplutik nutaanik uyaraqtarvikhanik. Hapkua ilihimayaayut nayugait hanaugakhanik uyaraqtarvikhat ilauyut uvani Ilaliutihimayuuq 2 hapkununga GN-kut tuyuqtauyunun.</p> | |
| PITQUYANGIT | |
| <p>GN-kut pitquiyut h ukuniga hanahimayunik uyaraktaakhanik iliyauyukhat ilagani 5 uumani NLUP tikkuaqtaulunilu Akituniginik Ihuarnikhauyut-Piyangaiautikkut Ilaqaqtunik (VSEC).</p> <p>Kituni qaliriikhimayuni tikkuaqtauhimayuni, humilu aajjikkiikniqaqtunik, uvani <i>Nunavunmi Nunataarutaanut Angirutaa</i>, hanaugani uyaraliurvingni piyauttaaqtun ilaupkaqtaulimaittullu quyaginnanin pittailidjdjutinil hulaqutiniaqtun aturutimingnun.</p> | |

| GN-2023-07: TARIUKKUT AGYAUTINGIT IMAALU IGLUQPAIT | |
|--|--|
| Havagviat | EDT |
| Uqautigiyauyuq/ Uqautauyukhap | Tariukkut Agyautingit imaalu Auladjutikhanik – Nunavunmi Tularviit |
| Ikayuutigiyauyut | <ul style="list-style-type: none"> 2021 DNLUP, ilanga 5.3.2 <i>Ingirrasiliqta</i>, Nunavut Ingilradjutikhakkut Qanuriliurutikhat, Nunavut Kavamanga <i>Tariukkut Agyautingit Hivunikhaliurutit</i>, Atauttikkut Tunihidjutit Kanadaup Kavamatuqanginin, Nunavut Tunngavikkut Timiqutimin, Nunavut Kavamanga |

| <p>NAITTUT INIQTIRUTAIT</p> |
|--|
| <p>Aulahimaaqtut pivalladjutit tariumi igluqpinikkut Nunavunmi – attautimun maniliurnikkut pivalladjutit imaalu hilaup aalanguqtirniranun – naunaiyautaa tapkua uuktuutit ukiutigut pittailidjutit imaalu aalat aktilaangit ilauyut kikliqaqtut Atungnikkut imaalu Qanuriniit Atuqtauyut nayugait naunaitumik tuhaqtitauyukhat imaalu pittailidjutiqaangitut piyakhaangitut piyaangini inmi tikinahuarutitik.</p> |
| <p>IHIVRIUQHIYUT UQAQTAIT IKAYUUTIKHALLU IHUMAGIYAUYUKHAQ</p> |
| <p>Agyautingit ihuaqtuq ingilradjutikkut atadjutaa hivuraanun Kanatamun imaalu tamayat niuviktauyut Nunavunmi nunallaanun. Uvani 2021 DNLUP-kut tikkuaqhiyut aturninganik agyautingit, ilauyut tularviit ahiiniklu auladjutikhanik (Ilangani 5.3.2). Imaalu, ilangit tikuaqtauhimayut pidjutiqaqtut kitunun ukiutigut pittailidjutit imaalu aulaqtitaublutik tariukkut agyautingit kihimi kitut ilaungitut.</p> <p>Iqalungni tulagvia iniqtauyuq; Qikiqtarjuami maniliqtuqtauyuq imaalu havaktauniaqtuq hivunirmii ukiuni. Atauhiinarmik tularvikhamik atuni Kivallirni Qitirmiunilu nunani piyuminarniaqtut qitqani hivituyumik-hivituniani. Hapkuat nappaqtiqtauniaqtun nanminiriyauyullunniit Kavamatkunnin (piniarungnaqhiyullunniit Inuinnarnin ilanginnin pidjutini) ikayurniaqtaillu piangaiyarnikkut ihariaginiit nunallaamingni aviktuqhimanirnilu.</p> <p>Atuqtauraanginnaqtukhaq nunallaami umiakkut agyautikhat atauhiinaungittumik aturluarnikhanut hapkuat umidjat tularvikhait (ila, Qikiqtarjuaq hivulliuyuq pilluarumaplugin hinaani iqalukhiurnikkut). Amigaigyuuminariaqhiyuq tuyuutikhanik talvunga/talvanga tulaktarviinnit aajjikkuihurlugit qanurinninganut, kihimi una angiglyuummirniq finite-mik (pidjutiqaqtut maniliurutikhanik pivalladjutikhanik, unaungittumik uyarauyani atuqtakhat havaakhat aturnikhanut) umiat angiyullu malikniaqtut itqurniaqtut aullavikhanik imaalu havagvikhainnik.</p> <p>Auladjutit hapkunanga igluqpangnin tapkua ikayuutauyut nunallaanun ihagiagiyainik imaalu maniliurnikkut pivallianikkut tikinahuagutait piyakhaqangniaqtut hikumik ahiruinirmik ukiuni ilangini pidjutauyuni imaalu pittailidjutiqaqtukhaangitut. Kihimi, nalautaarnaqtulu aturninginik tulaarviit ilauryariaqangittut ukuninga atauttimut atungitaangini.</p> |
| <p>PITQUYANGIT</p> |
| <p>GN-kut pitquiyut tapkua ukiutigut pittailidjutit imaalu ihuaqhaqtauhimayut tapkua hulaqutiyut tariukkut uhidjutit hamungalu Nunavunmi tulagviit havaktaulutik imaalu atulirlugit pihimalugit tapkua pidjutiqaangitut maniliurnikkut pivallianingmun hulidjutit kitut hapkua tulagviit pihimayut.</p> |

GN-kut ihuariyait Hivunikhaliurutikhat NLUP Tariukkut Agyautikhanik piliuqtauhimayut havaqatigiplugit Kanadaup Kavamanga, Nunavut Tunngavik Incorporated, ukuallu Avikturniinni Inuit Katimajiit tuyuutauhimayut ilauyut atiliurnikkut ilauyunit katihimayut tuyuutauhimayut.

GN-2023-08: AVIKTUQHIMAYUMI MIN'NGUIQHIRVIIT

| | |
|--|--|
| Havagviat | ENV |
| Uqautigiyauyuq/ Uqautauyukhap | Aviktuqhimayumi Min'nguiqhirviit – Utaqiyut Tamaat Piliurnirmik Aviktuqhimayumi Min'nguiqhirviit – Tukhiqtauyut Aviktuqhimayumi Min'nguiqhirviit – Hivuniptingni |
| Ikayuutigiyauyut | <ul style="list-style-type: none"> 2021 DNLUP, Ilanga 3.1.1 |

PITQUYANGIT

Aviktuqhimayumi Min'nguiqhirviit – Utaqiyut Tamaat Piliungniq:

Tikkuarninnga pipkaidjutiniaqtaa pulaaraqutut, ihivriurniq, ulapqinirlu, tamaita aadlat aturninngit ihumagiyauyuq ukunuuna Ihumaliurut ihuaqhainiq.

Aviktuqhimayumi Min'nguiqhirviit – Tukhiqtauyut:

Piliurninnga pipkaidjutiniaqtaa pulaaraqutunut, ihivriurniq ulapqinirlu. Ilaungitut ilihimayukhat tapkua Min'nguiqhirvik ihumagiyauyukhaq nayugaini, imaalu pittiarlugit piyakhat imaalu havauhiit titiraqhimayut uvani Aviktuqhimayumi Min'nguiqhirviit IIBA.

Aviktuqhimayumi Min'nguiqhirviit – Hivuniptingni:

Pittailidjutiqangituq tukhiqtauyunun pivallianikkut, kihimi kivgaqtuqtut piyukhat tapkua nayugait ihumagiyauyukhat imaa Aviktuqhimayumi Min'nguiqhirvik imaalu katimaqatigiyakhait GN-kut Avatiliqijitkut havaakhanut tukhiutit.

Ayungnaqtuugaluq, pidjutigiblugit kiklikhait piinarialgit hamanga lidjirurvia 2, 2023 atugakhat aalanguqitirniq, GN-kut apiqhiyut hivotuquyumilutik tuyungnikkut kiklikhaa haffuma uqagakhap tunihiyaangani ilaliutihimayunik naunaiyautinik.

GN-2023-09: NAUNAITTUT AULLAVIIT UNNGAHIKTUMUT TINGMIAT NAYUGAIT

| | |
|--|--|
| Havagviat | ENV |
| Uqautigiyauyuq/ Uqautauyukhap | Kanaitian Uumayuliqiyunik Ikayuutikharnik - Naunaittut Aullaviit Unngahiktumut Tingmiat Nayugait |
| Ikayuutigiyauyut | <ul style="list-style-type: none"> • 2021 DNLUP, Ilanga 2.1 |

ATULIQUJAUJUQ

Pittailinahuarlugit aktuutauyut paqitauhimaittunik uyaraktarvikhanik ihumagiyauyukhat tunihinahuaruvit hapkununga nunanik.

Ayungnaqtuugaluaq, pidjutigiblugit kiklikhait piinarialgit hamanga lidjirurvia 2, 2023 atugakhat aalanguqtirniq, GN-kut apiqhiyut hivituqyuumilutik tuyungnikkut kiklikhaa haffuma uqagakhap tunihiyaangani ilaliutihimayunik naunaiyautinik.